

ՀՊԱՐՏ ԵՆՔ, ԲԱՅՑ՝ ՅՈՒՍԱԽԱՐ

Ռուբինա Փիրումեան

Պատմագիտութեան դոկտոր

Հատուած՝ Անկախութեան Օրուան էլոյթն
- Սոնքրեալի Հայ կեդրոն, 28 Մայիս 1995

Այսօր անկախ է Հայաստանը, իր անկախութիւնն է յայտարարել նաեւ Արցախը: Ու մենք հպարտ ենք մեր հայրենիքով. հպարտ ենք մեր ժողովրդի տոկուն կեցութեամբով, արցախեան իշխանութիւնների որդեգրած ազգային ուրոյն վարքագծով: Հպարտ ենք Հայաստանի Եռագոյն դրօշով, որ այնքան փառահեղ ծածանում է Մ.Ա.Կ.ի մուտքին:

Հպարտ ենք, բայց՝ յուսախար:

Ի՞նչ եղաւ այս վերջին տարիներին: Չէ՞ որ մեր երազած անկախ Հայաստանը պիտի լինէր հայրենիքը համայն հայութեան: Չէ՞ որ Հայաստանի իշխանութիւնները պիտի իրագործէին մարդկութեան ամենաիդէալական վարչակարգը՝ հիմնրած ժողովրդավարութեան վրայ, արդարութեան, հաւասարութեան, ազատ խօսքի իրաւունքի վրայ:

Այսօր դարձեալ հաւաքուած տօնակատարում ենք Մայիս 28ը: Ու եթէ մինչեւ մի քանի տարի առաջ այսպիսի տօնակատարութիւններին ցաւ էինք յայտնում, որ կորցրել ենք մեր հայրենիքի անկախութիւնը եւ երդում էինք պայքարել մինչեւ նոր Մայիս 28ի ստեղծում, եթէ վերջին տարիներին հաստատում էինք, որ Մայիս 28ի գաղափարը վերընծիւղուել է նորանկախ Հայաստանի մէջ եւ խոստանում էինք մեր կարելիքն անել նրա պետականութեան ամրակայման, բարգաւաճման ու ընդլայնման ճամբին, այսօր կանգնել ենք թեւաքափ, վերջին ամիսների իրադարձութիւնների ծանր տպաւորութիւններով, ու փորձում ենք նոր իմաստ գտնել:

Հայաստանի իշխանաւորները ո՞ր են տանում Հայաստանն ու հայ ժողովուրդը: Այս ի՞նչ անարդար ու անտեղի ամբաստանութիւն ու հալածանք է շղթայագերծուել մի կուսակցութեան դէմ, որի անշեղ ազգային գիծը, որի գաղափարական անխառն մաքրութիւնը իր 105 տարւայ պատմութեան մէջ 105 անգամ փորձաքարի է զարնուել ու 105 անգամ վեր է յանձնել լուսաճակատ:

Հայաստանի այս ճակատագրական օրերին, երբ մեր հայրենիքի ապագան պիտի ձեւաւորուի, երբ Հայաստանը կարող է բռնատիրութեան կամ ժողովրդավարութեան ճամբան բռնել, տնտեսական եւ քաղաքական կախեալութեան գնալ կամ դէպի լիիրաւ անկախութիւն քայլել, ինչո՞ւ փակել ընտրանքի ճամբան, խլել ժողովրդից առողջ ու անարգել դատողութեան հնարաւորութիւնը:

Ու դեռ հալածանքով, արգելափակումով, բանաւարկութեամբ ու չարաշարանքով շրտաբարձուած հախազահը ակադէմականի երեսնքով - ես կ'ասէի միայն խալ ու պատեհապաշտ պատմաբանին վայել - մեկնաբանութիւններ է կատարում ու Դաշնակցութեան պատմութեան ու գործելակերպի վրայ սեւ բիծեր նետում:

Դէպքերի այս դասաւորութիւնը ո՞ր օտար իշխանաւորների ու հալածող հակառակորդների դէմքին է գոհունակութեան ժպիտ գծագրում:

Կ'արժէ՞ն այս բոլորը:

Կարելի՞ է միթէ իշխանութեան մոլուցքով տարուած Հայաստանի ապագան գրաւ դնել, խաղաքարտի

վերածել ու ամբողջ գաղափարի վրայ բանակցութեան նստել: Եւ դեռ ազգադաւ յանցագործութիւններ «դրսետրել» ու միասնականութիւնից խօսել, հայ ժողովրդի է՛ն միամիտ խաւը, քաղաքական է՛ն տրհաս տարրը խաբէութեան մատնել:

Այսօր Մայիսի 28 ենք տօնակատարում, եւնց Խորհրդային Հայաստանի վերջին իշխանութեան հաստատումով՝ օրը հայկական պետականութեան վերականգնման: Երեւանում շէրքներ տեղի ունենալու էն: Չգիտեն: Գիտեն միայն, որ Վահո Սիրադեղեանը շնամարտ է կազմակերպել: Իսկ Սփիւքում դարձեալ մենք ենք ու մենք: Մենք ենք՝ հպարտ մեր շարքերով: Ո՛չ, զուհի հոգեբանութիւնը մեզ չի վայելի. Դաշնակցութիւնը եւ նրան հետեւող ժողովուրդը երբեք գլխիկոր չեն ներկայացել պատմութեան առջեւ հալածանքը մեզ զօրացրել է, նոյնիսկ եթէ դա մեր ազգակիցներից է եկել:

Այսօր էլ, այս հանդիսութեամբ թող նորոգուի մեր ուխտը՝ պայքարելու մինչեւ մեր նպատակների իրագործում, մինչեւ իրագործումը Ազա՛տ, Անկախ եւ Միացեալ Հայաստանի - եւ շեշտս դնում եմ ամեն մէկ բռնի վրայ իր լիակատար իմաստով:

Եւ թող մեր այս ուխտի վկաները լինեն հայրենիքի ազատութեան ճամբին ընկած, Մայիս 28ը կերտած հերոսները ոգեղինացած, թող մեր այս ուխտի վկաները լինեն երէկ Արցախի ազատութեան համար կռուող ու այսօր Հայաստանից դուրս շարտուած կամ Երեւանի բանտերում չարաշարանքի ու խոշտանգումի ենթարկուած մեր նոր հերոսները:

Թող այս տարի Մայիս 28ի խորհուրդը հնչի աւելի կոտ. խորհուրդը՝ որ մեր կամքն է իբրեւ ազգ ապրելու ու յարատեւելու. խորհուրդը՝ որ մեր վճռականութիւնն է միասնական ու հաւաքական պայքարի՝ մինչեւ յաղթանակ: